



Bergarako
Udala

**HERRIBUSEKO GOIZETAKO ZAINITZA ETA AUZOETAKO ESKOLA
GARRAIOAREN DIRULAGUNTZA ZEHAZTEKO HITZARMENA**

Bergaran, 2021eko apirilaren 12an

BILDU DIRA

Alde batetik,

GORKA ARTOLA ALBERDI jauna, Bergarako Alkatea, Bergarako Udalaren ordezkartzan.

Bestetik,

AGURTZANE LOIDI LARRAÑAGA andrea, adinez nagusia, 15378076T zenbakidun NAN duena, eta Bergaran, Herrilagunak 1ean dagoen Telesforo Aranzadi Koop. ikastolako gerentea, Aranzadi ikastolaren izenean.

GOTZON IPARRAGIRRE SAN SEBASTIAN jauna, adinez nagusia, 72572371B zenbakidun NAN duena, eta Bergaran, Bidekurutzeta kalean dagoen Mariaren Lagundia ikastolako zuzendaria, Mariaren Lagundia ikastolaren izenean.

Agurtzane Loidi Larrañaga andreak eta Gotzon Iparragirre San Sebastian jaunak, Alkatearen aurrean adierazi ondoren haien ordezkartzen dituzten ikastolak ez daudela estatuaren 2003ko azaroaren 17ko 38/2003 legeak aurreikusitako debeku kasuetan, bi aldeek elkar behartzeko ahalmena aitortu eta ondorengo adierazi dute.

ADIERAZPENAK

Eusko Jaurlaritzak doako zerbitzua ematen die sare publikoan matrikulatuta dauden auzoetako ikasleei ikastetxera joan etorria egin dezaten.

Aranzadi eta Mariaren Lagundia ikastolek batera antolatzen dute eskola garraioa ikastola bietako haurrentzat, eta Eusko Jaurlaritzaren aldetik ez dute jasotzen horretarako diru-laguntzarik. Zerbitzu horren kudeaketa txandaka egiten dute bi ikastolen artean.

Ikastolek goizetako garraiorako egoki ikusten dute Herribusa erabiltzea, herriko garraio publikoa sustatzeaz gain, ingurugiroari dagozkion arrazoiak ere kontuan dauzkatelako, trafiko astun gutxiago egongo da herrian. Horrez gain, mugikortasun jasangarriago batera heltzeko helburuarekin, Oinezbusa ekimena ere martxan jarriko dute goizetan, ikasleak ikastolara oinez joatea sustatuz. Udalak bat egiten du erabat Oinezbusa ekimena sustatzearekin eta ekimen honen goizetako gastu osoa bere gain hartuko du.



Begarako
Udala

Hori dela eta, ondorengo klausulak dituen hitzarmena adostu dute.

KLAUSULAK

LEHENENGOA: Udalak lagunduko duen zerbitzua.

Udalak 2020 / 2021 ikasturteko Aranzadi eta Mariaren Lagundia ikastolen ikasleen autobuseko ikasleen zaintza zerbitzua diruz lagunduko ditu. Zerbitzu horren antolakuntza eta kudeaketa ikastolen ardurapekoa izango da. Hitzarmen honen gaineko edozein jakinarazpen Aranzadi ikastolari egingo zaio, eta hori eginda bi ikastolak jakinarazita daudela ulertuko da.

BIGARRENA: Dirulaguntzaren kopurua.

Begarako Udalak 10.659,20€-ko diru-laguntza emango du 2020/2021 ikasturteko eskola garraioaren zaintza zerbitzua diruz laguntzeko. Kopuru honetan sartuta daude:

- Herribuseko eta Oinezbuseko zaintza zerbitzua eramaten duen enpresaren 8.359,20€-ko aurrekontua.
- Autobusik ez daukaten auzoetako ikasleen kilometrajerako 2.300€-ko aurrekontua.

Horrez gain, udalak bere gain hartuko du ikastolekin adostutako Angiozar, Osintxu, Ubera eta San Juan auzoetako ikasleen garraioa. Hauek Herribusean jaitziko dira ikastolara eta ikasle hauen bidaiaren kostua udalak bere gain hartuko du. Zenbateko hori faktura bidez ordainduko zaio zuzenean Herribusa kudeatzen duen enpresari.

Auzo hauetakoak ez diren ikasleek, bakoitzak bere bidaia txartela hartu eta ordaindu beharko du.

HIRUGARRENA: Ordainketa.

Dirulaguntza kobratzeko hitzarmen hau sinatu beharko da eta ondorengo dokumentazioa aurkeztu 2021eko irailaren 30a baino lehen:

- Ikastolak Gizarte Segurantza eta Foru Ogasuneko ordainketetan, egunean daudela egiaztatzen duten agiriak.
- Gastu horiei aurre egiteko eskatutako beste diru laguntzen agiria, zenbatekoa jasotzen duena, eta eskatu ez bada, zinpeko aitorpena.
- Zaintza zerbitzuaren eta banakako garraiorako dirulaguntzaren memoria eta balantze ekonomikoa.
- Izandako gastuen fakturen kopiak.

Hitzarmena sinatu eta dokumentazioa aurkeztutakoan ordainketa bakarrean ordainduko du udalak diru-laguntza.



Ce M...

A. B...

St. Martin plaza, 4 - 20570 Bergara
Tel. 943 571 111 - Fax 943 571 112



Bergarako
Udala

LAUGARRENA: iraupena.

Hitzarmen hau 2020ko urrian hasi eta 2021eko ekainean bukatzen da. Dirulaguntza hau borondatezkoa da eta aurrerantzean ezin izango da aurrekarizat hartu.

BOSTGARRENA: Dirulaguntzak bateratzea.

Udalak emango duen dirulaguntzaz gain, helburu bera duen beste edozein dirulaguntza ere jaso daiteke. Hala ere, dirulaguntzak ezin izango du jardueraren kostua baino altuagoa izan.

SEIGARRENA: Dirulaguntza kopuruaren aldaketa.

Dirulaguntza emateko kontuan hartu diren baldintzetako bat aldatuko balitz, edo Udalaren dirulaguntzaz gain beste bat jasoko balitz, emandako kopurua alda daiteke.

ZAZPIGARRENA: Dirulaguntzen kentzea.

Dirulaguntza berrikusi egingo da eta, egoki bada, kendu, hauetakoren bat gertatuz gero:

- Ikastolek betebeharrak ez betetzea.
- Dirulaguntza beste helburu baterako erabiltzea.

ZORTZIGARRENA: Aurreikusita ez dagoena.

Kontratu honetan aurreikusita ez dagoen guztian, dirulaguntzak arautzen dituen 38/2003 estatuko Legea, azaroaren 17koa, eta lege hori garatzen duen gainontzeko legedia aplikatuko da.

Eta horrela jasota gera dadin, dokumentu honetako edukiarekin adostasuna azalduz eta leial betetzek konpromisoa hartuta, goian aipatutako toki eta egunean laukoiztuta sinatzen dute.



Telesforo Aranzadi
Koop. ikastola

ARANZADI
IKASTOLA
San Martin plaza, 4 - 20570 Bergara
Tel: 943 769 071 - Faxa: 9 3 769 177

Agurtzane Loidi

Mariaren Lagundia
ikastola

Gotzon Iparragirre



Bergarako
Udala